



UNIVERSITÄTS-
BIBLIOTHEK
PADERBORN

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs I.

[urn:nbn:de:hbz:466:1-73915](https://nbn-resolving.de/urn:nbn:de:hbz:466:1-73915)

sticam diuinam dici veritatem; quatenus efficit res conformes intellectui & arti diu in ea, in qua conformatum posita est veritas rerum creatarum, ut quæstione citata ostendimus.

ARTICVLVS III.

Vtrum misericordia competit Deo.

MISERICORDIA, iuxta nominis interpretationem, dicitur quasi miserium habes cor, quia videlicet afficitur tristitia ex alterius miseria consideratione, arque inde mouetur ad eam repellendam. Quæ tristitia appellatur à Diuo Thoma affectus misericordia: expulso vero aliena miseria effectus misericordia dicitur. Ait ergo Diuus Thomas in Deo non esse misericordiam quoad affectum, quippe cù in Deo esse nequeat tristitia: esse vero maximè quoad affectum, si miseria nomine quicunque defectus intelligatur, qui vel iam existens depellitur, vel si non derur existens, præuenitur, ne obueniat. Cùm etenim defectus omnis perfectione aliqua depellatur, aut præueniatur: Deus vero sit fons arque origo totius perfectionis, fit, ut misericordia, quoad affectum, Deo maximè conueniat. Sumi autem misericordiam latè, vt exercetur non solum cum creaturis mente prædictis, sed etiam cum iis, que mente, imo & sensu carent; cùm tamen miseria propriè creaturis mente prædictis conueniat, quibus & felicitas conuenire potest. Addit deinde D. Thomas, collationem perfectionum, quatenus sit iuxta proportionem creaturarum, hoc est, prout quaque postulat, esse actum iustitia diuina: quatenus vero sit gratis à Deo, qui nihil illis debet, esse actum liberalitatis: denique quatenus perfectionibus collatis præueniuntur, aut tolluntur defectus creaturarum, esse actum misericordie.

Scotus, Richardus, & Durandus in 4. dist. 46. dicunt, misericordiam posse accipi duobus modis. Vno, pro compunctione aliena miseria affectu tri-
stitia, à quo desumptum est nomen misericordiae, quo pacto sumitur à Damasceno 2. lib. fidei. Orthodoxa c. 14. ab Aristotele 2. Rhetor. ad Theod. cap. 8. & ab Augustino 9. de Civitate Dei cap. 5. atque ita sumptum non esse in Deo. Altero vero modo, pro voluntate, seu actu subleuandi miseriam, arque defectum alterius, siue oriatur ex compunctione, siue non, quo pacto omnis clemosyna, quia quis in opere & miseria alterius subleuare conatur, appellatur actus misericordiae, et si nullam coniunctam habeat compunctionem. Atque misericordiam sumptum hoc modo esse formaliter & propriissimum in Deo. Vnde in Scripturis sanctis, misericordia & misericors appellantur, miseratione que eius dicuntur esse super omnia opera eius. Vtramque acceptio nem misericordiae distinguunt D. Thomas 2. 2. quest. 30. artic. 3. Et in sola posteriori acceptio dicit esse virtutem. Quare nulla est dissensio inter hos Doctores.

ARTICVLVS IV.

Vtrum in omnibus operibus Dei sit misericordia & iustitia.

ARTICVLVS hic ex dictis in praecedentes articulos facile intelligi potest. Circa responsionem ad primum notandum est, in iustificatione impij cerni iustitiam, quatenus diuina

Molina in D. Thom.

A bonitas & clementia petit, ut peccatores iustificentur; quod sit, ut licet id non sit debitum peccatoribus ipsis, qui iustificantur, sit tamen debitum, hoc est, diuina bonitatis & clementiae congruum. Animaduertendum est deinde, interdum dari misericordiam omnino liberant, interdum vero aliqua ex parte subleuantem. In damnatione ergo impij noue cernitur misericordia omnino liberans, de qua intelligitur illud Iacobi 2. *Judicium sine misericordia sicut et, qui non facit misericordiam: cernetur tamē misericordia aliqua ex parte subleuans: quoniam cùm Deus iustus posset punire acerbius, aliquid tamen ex liberalitate ac misericordia sua remittit, qua de causa punire dicitur infra condignum.*

Misericordia interdum liberans, interdum ex parte subleuans.

QUESTIO XXII.

De prouidentia Dei.

ARTICVLVS I.

Quid sit prouidentia, & an Deo conueniat.

DISPUTATIO I.

DISSE R VIT hactenus D. Thomas de iis, quæ vel ad solum intellectum diuinium, vel ad solam voluntatem spectant. Tribus vero quæstionibus sequentibus disputat de prouidentia, predestinatione, & libro vite, quæ, ut videbimus, actum vtriusque potentia includunt.

Vt igitur quid prouidentia sit pateat, sciendum est, duplicum ordinem cerni in rebus, quod ad præfens institutum attinet. Vnum enim res ipsæ inter se seruant non habita ratione finis, esto propter finem ita ordinantur. Eiusmodi est ordo, quem partes dominus inter se habent: fundamentum namque tenet infimum locum, tectum supremum, & parietes medium. Talis etiam est, quem seruant corpora simplicia in hoc viuentero, quod ex eisdem coalefecit: quæ enim perfectiona sunt nobiliorem locum tenent. Alter vero ordo est, quem res habent comparatio ne finis, sive communis rebus omnibus finis sit, qualis est manifestatio bonitatis, sapientiae, potentiae, atque iustitiae diuinae, sive sui finis particularis. Conceptio prioris ordinis appellatur dispositio in mente artificis: ipse vero ordo executioni mandatus, dispositio rerum inter se, aut partium, in suo toto nuncupatur.

Conceptio posterioris ordinis cum proposito exequendi eum, appellatur prouidentia. Est ergo prouidentia diuina non aliud, quam ratio, seu conceptio ordinis rerum in suis finibus in mente diuina existens, cum proposito eam per se, vel etiam intercetu cariarum secundari executioni mandandi. Aut, ut Boët. 4. de Consolatione prosa sexta, definit. *Esi ipsa diuina ratio in summo omniū principiū existens, qua cuncta disponit. Non intelligit vero (vt hoc loco interpretatur D. Tho.) eam dispositionem paulò ante explicatam, sed dispositionem ad suos fines. Vocabulum enim, dispositio, ut roq. modo usurpari solet, ut ait D. Thom.*

Diuina autem prouidentia mandatur executioni per creationem, & gubernationem rerum creaturarum. Est autem gubernatio directio rerum iam creaturarum ad suos fines & perfectionem, unde presupponit creationem, atque existentiam rerum. Conseruatione vero earum, & reliqua, quibus in suos fines diriguntur, perducunturque ad suam perfectionem, ad gubernationem spectant. Comparatur ergo prouidentia ad creationem & gubernationem, tamquam actus internus in Deo forma-

Duplex in rebus ordo.

Dispositio tam in mente artificis quam in rebus quid.

Prouidentia diuina quid.

Gubernatio quid sit.

Quomodo ad creationem & gubernationem comparatur.

Aa liter

liter existens ad extermos, quibus id, quod prouidentia praconcepit, & statutum est, executioni mandatur. Hac de causa differit D. Thomas hoc loco de prouidentia, ybi de Deo, & de iis qua formulariter in Deo sunt disputatae creatione vero à qua. 44. & de gubernatione à quaest. 103. incipit disserere. Quod autem non sola gubernatio, sed etiam creatio ipsa executio sit diuina prouidentia, vel ex eo probari potest, aduerterus Durandum in 1. d. 39. quaest. 3. quoniam à prima rerum productione in hominis utilitatem conditas fuisse tam accommodatae cæteras res corporeas à Deo, totumque universum tam congrue ad ostensionem diuine bonitatis, sapientiae, atque potentie fabricatum, & singulas illius partes, & non solum illius, sed etiam cuiusque viuentis tam aptas ad suas peculiares functiones ac fines, quis non videt effecta esse, arque executionem diuinae prouidentiae, vt ex definitione prouidentia liquidò constat?

Providentia. Quod si petas, cuiusnam potentiae actus sit prouidentia? Dicendum est, praecipue esse actum intellectus practicorum sit ratio, seu conceptio ordinis rerum in finem addere vero propositum mandatum de executioni talem ordinem, qui actus ad voluntatem pertinet, complecteturque perfectam rationem prouidentiae. Quod ergo Damascenus secundo libro fidei Orthodoxa capite 29. ait, *Prouidentiam esse voluntatem Dei, per quam omnia, que sunt ad conuenientem gubernationem suscipiunt, intelligendum est, esse voluntatem, seu actum ac determinationem voluntatis Dei, tamquam id, quod rationem prouidentiae completer, non tamen negandum est, praecepit includere rationem ipsam; conceptionemve taliter gubernandi res, quam determinatio voluntatis praexigit, ut complectatur ratio divina prouidentiae.* Ferrariensis 3. contragentes cap. 64. ait, *solum a voluntate intellectus sine proposito exequendi, posse etiam dici prouidentiam extenso vocabulo prouidentia; communiter tamen solum accipitur, ut comprehendat propositum mandandi executioni ordinem conceptum.* Hac quod attinet ad primum eorum quo proposita sunt,

Quod verò attinet ad secundum, conclusio Dii Thome est. In Deo est prouidentia, non quae ordinet in finem suum, quod ad prouidentiam, atque prudétiac monasticam spectat, sed quia cœræturas ordinat & dirigit in proprios ipsarum fines, quod ad prouidentiam ciuiilem, regiam, atque Monarchicam pertinet. Prior pars est de fide, patetque ex illo Sapientie capite i. Tua autem Pater prouidentia ab initio cuncta gubernat. Et ex illo Matthæi capite sexto. Respicue solitaria cali, quoniam non scribi, neque metunt, neque congregant in horres, & pater vester pacis illa. Considerate lilia agri, &c. Si ergo finem agri Deus sis vestris, quanto magis vos modice fidei? &c. et ex multis aliis sacra Scriptura testimoniis. Probarat verò à Diuo Thoma, quoniam ordo rerum in suis fines particulares, atque in finem omnibus communem, est à Deo, ut in superioribus ostensum fuit: sed Deus est causa rerum per intellectum & voluntatem: ergo ratio & conceptio ordinis rerum in suis fines præexistit in mente diuina: talis verò ratio & conceptio ordinis rerum in suis fines est prouidentia: est enim prouidentia principiæ pars prudentia, cuius proprium est ordinare res in finem, ut Aristoteles Ethico, capite 8. & 12. docet: ergo in Deo prouidentia constituenda est. Posterior verò pars probatur, quoniam Deus non habet finem ad quem ipse ordinetur, cum neque ipse, neque que in eo sunt formaliter possit, viva ratione subire rationem effectus. Quod fit, ut prouidentia di-

A uina non sit monastica, sed qualis in rege, atque monarca repertus, sitque comparatione creaturarum, quas in suis fines dixit. Porro ratio illa quarta, qua quæstio secunda, articulo tertio, ex accommodatissimo ordine rerum omnium in suis fines, ac prouidentia, quæ tamquam in suo effectu mirum in modum in toto hoc mundo vniuerso elicit, luce clarissim ostendimus Deum esse, additis iis, quæ post camdem rationem eo loco adiecimus, faris aperte tibi demonstrabit in Deo esse prouidentiam, qua cunctas res creatas gubernet.

DISPV TATIO II.

B *Vtrum res semper asequantur finem, ad quem ex diuina prouidentia ordinantur.*

Caetanus hoc loco arbitratur, diuinam prouidentiam non solum includere rationem ordinis rerum in finem cum proposito mandandi executioni talem ordinem, quantum est ex parte Deis sed etiam includere affectiōnēm finis. Atque ita vult temperes res aequi fines, ad quos ex diuina prouidētia ditiguntur. Quod si res aliqua eiūmodi finem non affectatur, ait talem rem non esse ordinatam in eum finem à diuina prouidentia.

Cum finem à diuina prouidentia.
Suaderi autem potest hæc sententia primo, quoniam prædestination est pars quædam diuinae prouidentie; prædestination vero non solum est de mediis ad finem utrumque, sed etiam de fine ipso afferendo; quippe cum nullus prædestinatus dicatur, qui sempiternam felicitatem non sit cœsecuturus: ergo prouidentia diuina affectionem finis includit.

Secundò , prouidentia diuina præter rationem ordinis mediorum in finem , includit propositum voluntatis mandandi executioni talem ordinem , quod quidem propositum pertinet ad voluntatem Dei ab solutam : cum ergo voluntas Dei absoluta semper impleatur , sit , ut prouidentia diuina consecutionem finis includat .

Tertio, si diuina prouidentia non includeret a-
secutionem finis, fierique posset ut res eum finem
non afferueretur, ad quem ex diuina prouidentia
ordinatur, sequeretur diuinitam prouidentiam posse
frustrari, quod nulla ratione videatur concedendum.
Vnde D. Thomas art. 4. sequenti ad secundum &
tertium & 3. contra gentes c. 9. 4. ait, *Ordinatio diui-
na prouidentia esse certum, immobilem, & indissolubil-
em quod effectus in conscientem.* Idem etiam innit
aperte Boetius 4. de Consolatione prosa 6.

E aptere-Bonetus 4. de Confutacione p[ro]p[ter]a
Accedit in confirmationem huius sententiae Ec-
clesie autoritas, que in oratione Dominica sepi-
tem post Pentecosten ad Deum precatur. Deus, cuna-
providentia in sua dispositione non fallitur, si supplices
exoranus, et noxia cuncta submouas, & omnia nobis
profutura concedas.

Contraria nihilominus sententia, nempe ad prouidentiam diuinam necessarium non esse ut id, quod per eam in finem ordinatur, tales finem affeatur, est Durandi in 1.d.40. quest.1. Egidij d. 35. 2. parte dist. q. 1. Marphilij, quest. 41. art. 1. Ferratienis 3. contra gentes cap. 94. Silvultri in Conflato q. 22. artic. 1. inquit est expressa D. Thomae de veritate quest. 6. art. 1. & in 1.d. 40. art. 2. Ut enim eisdem in locis ait, in qualibet ordinatione ad finem duo possumus considerare, ipsum scilicet ordinem, & exitum, vel cuen- tam ordinis: non enim omnia, qua ad finem ordinantur, finem consequuntur. Prudentiam ergo ordinem in suum respicit tantum, unde per Dei prudentiam omnes hu- mines, ad beatitudinem ordinantur, sed predestinatione respicit etiam exitum, vel cueniam ordinis, unde nor-

est nisus eorum qui gloriam consequuntur. Hactenus Diuus Thomas. Caietanus tamen ait, Diuum Thomam hoc loco & i. contra gentes cap. 64. sententiam reuocasse. At Syluester ait, solum Caietanum inter sectatores D. Thomæ id de diuino Thoma affirmare. Ferrariensis autem loco citato ita interpretari conatur loca, quæ Caietanu adducit, vt Diuum Thomam semper in eadem perstitisse sententia contendat. Quicquid ergo sit de mente D. Thomæ, amplectenda est proculdubio sententia horum Doctorum.

Probari autem potest in primis, quia ad prouidentiam ducis, medici, atque diligentis agricultorū, satis est, si adhibeas accommodata & opportuna media ad finem, sive finis sequatur, sive aliunde impeditur, vniuersimque ad prouidentiam humanam necessaria non est affæctio finis: cum ergo sumere licet argumentum ab humanis ad diuinam, fit, vt nequaad ad prouidentiam diuinam necessaria sit affæctio finis.

Secundò, virtus à generantibus impressa semini bus ad producenda individua eiusdem speciei perfecta, conferuandamque speciem, est effectus diuinae prouidentie ordinantis eiusmodi medium in eum finem: sed eiusdem rationis est hæc virtus in co femine, quod ex aliqua causa superueniente impeditur, vel ne omnino producat effectum, vel nolam, quemadmodum oportebat, atque in eo, quod non impeditur, eodemque modo est collata utriusque ab autore natura: interuenta causarum secundarum: ergo utrobique est effectus diuinae prouidentiae tamquam medium ordinatum ad finem: non ergo de ratione diuinae prouidentiae est cōfæctio finis.

Confirmatur præterea hæc ratio, quia quando semen impeditur, ne producas effectum perfectum, sequiturque monstrum, monstrum, quod ita resultat, est effectus à casu respectu seminis, non alia ratione, nisi quia est præter intentionem agentis, quod intendebat rem perfectam producere, vt secundo Physicorum ostendimus: cum ergo semen non dicatur intendere, aut agere propter finem, nisi ex directione primæ causa prouidentis, ordinantis virtutem seminis ad producendum effectum perfectum, sit, vt ea virtus à diuina prouidentia ordinata sit ad producendum effectum perfectum, ac proinde, vt ad rationem diuinae prouidentiae necessaria non sit affæctio finis, ad quem media per eam prouidentiam ordinantur. Deus namq; in causis contingentibus ita media, quæ confert, ordinat ad finem, vt eas suis naturis relinquat, permittat; alias ab aliis quoad effectuum suorum productio nem impeditur, quare non semper voluntate efficaci vult cum finem, ad quem media, & causas contingentes ordinavit, sed interdum voluntate conditio nali, nēpe si causa ipsa velit, quando est libera, quando autem libera non est, si ab alia non impeditur.

Tertiò, si ad diuinam prouidentiam requiretur affæctio finis, sequeretur non omnes homines per diuinam prouidentiam ordinatos esse in vitam æternam, sed solum eos, qui salvi sunt, neque mortem Christi, & alia media ad salutem ordinata, esse à Deo instituta ad salutem omnium hominum, si per ipsos non steterit, quod est plusquam durum, & contra communem sententiam Sanctorum, imo etiam contra illud Pauli: *Qui vult omnes homines salvos fieri.*

Postremo, dicendum est, Deum per suam prouidentiam non ordinat esse Adamum in statu innocentia, & in Adamo totum genus humanum, in vitam æternam: quandoquidem per media: quæ in eo statu accepta: ad beatitudinem non deuenit. Dicen-

Molina in D. Thom.

A dum etiam esset, Deum per suam prouidentiam non creasse omnes homines, & omnes Angelos in supernaturalem finem beatitudinis, neque malos, tam homines quam Angelos, deflexisse à supernaturali fine, ad quem à Deo essent creati: cum non omnes beatitudinem assequantur. Item, vt dicendum est, Deum non habuisse prouidentiam ad beatitudinem circa reprobos, sed solum circa prædictos, ita dicendum est, prouidentiam circa beatitudinem, nō latius patere, quam prædestinationem, contra D. Thomæ, communemque Doctorem sententiam. Denique dicendum est, falsum continere celebre illud pronunciatum, homines dum peccando ordinem unum diuina prouidentia egrediuntur, relabuntur in aliud, quandoquidem iuxta opinionem, quain impugnamus, omnis diuina prouidentia ordo, & omne medium illius, finem aliquid curat: cum autem nullus dubitate posse, hæc omnia absurdia ex ea opinione evidenter sequi: ea vero plusquam periculosa in fide sint, cōsequens est, vt iā hodie opinio quā impugnamus, minimè in fide sit tută, ne amplius dicā.

B Pro solutione tamen argumentorum in oppositum, atque totius questionis intelligentia, ante oculos habendi sunt præcipui, tum fines, in quos res à diuina prouidentia ordinantur, aut permittuntur, tum ipsorum rerum, diuersorum finium comparatione, ordines. Ultimus autem, supremus, primusque quadam intentionem, totius diuinae prouidentia finis, est Deus ipse, manifestatioque diuinorum attributorum in operibus ad extra, quæ diuina prouidentia subsumt, ad finemque ordinari possunt. Ad hunc finem, quasi ex primaria intentione, statuit Deus sempiterna sua prouidentia condere Angelos & homines, conferreque illis media omnia, cum naturalia, tum etiam supernaturalia, ad eum finem accommodata, vt reipublica contulit. Quoniam vero homo non solum animo, sed etiam corpore costat, quæ ratione, multis subsidis creaturarum corporearum ad vitam tuendam indigebat, illi hunc mundum vniuersum in domicilium fabricauit, vt si in eo recte viueret, propriis meritis cum gratia diuina coniunctis, ad maiorem, minorēve beatitudinem, pro ut ipse veller, perueniret, aut etiam ab ea in lumina misericordia deflectere posset, si rectum rationis iter tenere noller: idque quia honorificienti illi etat præmium propriis meritis & industria comparatum, justissimumque aliis de causis, vt sepe dictum est. At tanta pulchritudine, ac varietate distinctum E tantaque rerum copia, veluti impellit resurgentem, F domicilium hoc ad ylum, oblationem, & scientiam homini tradidit, vt inde non solum subsidia vita, ac oblationem capere, sed etiam in cognitionem, atque admirationem ipsius Dei posset asurgere, cuiusque amore inflammat: quæ omnia quæst. 2. artic. 3. ex parte sunt explicata. Quia vero, & natura ipsa rerum, ex quibus hoc vniuersum constat, id ex se habent, expediebatque, vt mundus hic materialiam laborum, grummarum, cruciarumque, qualiter experimur, in eum finem cotineret, vt si homo in conditorem suum foret ingratus, eumque offendere, id torum in condignam penam illi cederet, atque vt ex pulchritudine, & copia rerum ita subsidia vita acciperet, vt nihil in eo stabile, cui adhaere posset, inueniret, sed omnia fluxa, caduca, ac cruciatum plena experiretur, vt vel ea ratione conditorem suum ac celestia ardentiū quereret: inde effectum est, vt Deus talen hunc mundum à principio considerit, qualiter experimur. At quando primò genus humanum in eo collocauit, ita illud dono iustitiae originalis, ligno vita, aliisque donis

Prudentia
diuina varijs
fines ordine/
que.

aduersus miserias omnes communivit, ut omnium aduersus miseras omnes communivit, ut omnium earum expers foret, si culpæ quoque expers perficiisset: tandemque per merita vita summa cum voluptate comparata Deum religiosè colendo, ad aeternam felicitatem perueniret.

Quamvis autem, ut latius q. sequente explicandum erit, Deus non unum ante aliud, sed omnia simul, uno simplicissimo decreto, quo integra ratio prouidentia ipsius complectur, constituerit: nihilominus ea, quæ haec tenus explicauimus concipienda est quasi prima intentio diuinæ prouidentiae, in Angelis: hominibusque in sempiternam beatitudinem condendis, mundoque hoc vniuerso hominum gratia fabricando, atque in his omnibus propter Deum ipsum tamquam finem ultimum efficiendis, ut ei ad laudem, gloriam ostensionemque sua bonitatis, sapientiae, potentie, reliquorumque attributorum deseruirent. Cernens vero ex hypothesi, quod Angelos & homines in suam beatitudinem cum auxiliis & circumstantiis rerum, cum quibus eos in hoc mundo condidit, creare vellet, futurum lapsum quorundam Angelorum, totiusque generis humani: eo ipso decreto, quo homines ita creare constitutæ, & consequenter ruinam generis humani permittere (quam tamen non foret permisurus, nisi remedium adhibere decerneret), quasi inde sumpta occasione, constituit longè maiora bona, longèque maiorem bonitatis, misericordiae, sapientiae, potentiae, atque iustitiae suæ ostensionem, per proprij filij incarnationem, quam ad reparationem generis humani deinceps: sicut quæ voluit, ut misericordie omnes, quas amissi statu innocentia experimur, in paenam peccati, offensioneque iustitia sua cedent, tum etiam ut eadem mizerie, peccataque malorum, in cumularius meritum, illustrioresque coronam iustorum redundant: atque ita peccatis quorundam corona martyrum fabricarentur, & redemptio generis humani perficeretur: tum denique, ut sempiterna punitione impiorum apud inferos ob peccata, quæ vitare, vel per penitentiam delere poterunt, in aeternum sua iustitia, sicut in predestinationis misericordia, splenderet. *Adeo enim bonus est, ut nullo modo mala permittere, nisi inde maiora bona esse elicitorum, ut Augustinus in Enchir. cap. 11. est autor.*

Sunt vero pleraque alia bona, quæ Deus ex permissione malorum elicere nouit, de quorum numero sunt, quæ Damascenus lib. 2. fidei Orthodoxæ cap. 29. his verbis connumerat. *Sum quendam, inquit, secundum permissionem. Nam sinit frequenter iustum incidere in calamitates, ut virtutem, quæ in illo latebat, alii aperiunt, manifestamque faciat, ut in Job. Aliquando sinit quippiam absurdum fieri, ut per operationem, quæ absurdâ videtur, magnum aliquid & admirabile dirigat & operetur, ut per crucem salutem hominum. Et alio etiam modo sinit sanctum male affici, ut ex recta conscientia non excedat, aut ex indulcta ei virtute gratis, in superbiam non extollatur, ut in Paulo. Interdum descriptum quis in malo, ad uitam aliorum in melius commutandam, ut alii videntes, quod apud illum est, emendetur, ut in Lazaro & diuine. Naturaliter enim ipsi, videntes alios patientes, corripimus. Relinquitur & quis ad alterius gloriam, non per proprium, aut parentum peccatum, ut cœcta à nativitate ad gloriam filij hominis. Rursus sinitur quis pati in alterius gloriam, ut gloria patientis magnificata, impiger alii stimulis incitetur spe future gloria, & futurorum desiderii honorum, ut in martyribus. Permititur & quis quandoque in turpe incitare actionem, ad emendationem deterioris affectus. Verbi gratia, quis est elatus in virtutibus, & recte*

A factis suis hunc finit Deus in adulterium prolabi, ut per casum in cognitionem proprie infirmitatis veniens, huius militia confiteatur Domino. Hac Damascenus.

Porro qua Deus non aliter vult esse nisi praexistente peccato, potissimum quæ vult in paenam iustitiam peccatorum, esto ea per suam prouidentiam in ostensionem suæ iustitiae, aliorumque suorum attributorum ordinet, sicut tamen non sunt ab eo voluntate, nisi voluntate consequente, ut cum Damasceno quæstione 19. articulo 6. est explicatum; eò quod, ut nollet peccata esse, si & homines, & Angeli idem vellent, sic etiam neque vellet ea punire: ita etiam pertinent quasi ad secundariam intentionem diuinæ prouidentiae, quæ, praevidens quorundam Angelorum & hominum voluntarum defectionem à fine, ordine, atque primario instituto suæ prouidentiae, defectionem ipsam & peccata, quæ iustissimis de causis statuit permettere, quasi secundaria intentione in eundem quidem ultimum finem ostensionis suorum attributorum, at alio ordine & mediis dirigit. Atque hoc est, quod dici consuevit, homines & Angelos, dum per suum arbitrium peccando egreditur ordinem unum diuinæ prouidentiae, quo per suam misericordiam in sempiternam felicitatem dirigebantur, incidere in alium, quo quasi secundaria intentione peccata permititur; ut in eorum punitione splendeat diuinæ iustitia, atque ob alios præclaros fines, ad quos congruis mediis deuenitur. Itaque cum decretum liberum voluntatis diuinæ executioni mandandi ordinem præconceptum mediorum ad fines, per quod completur ratio prouidentiae diuinæ, non aliud sit, quam volitio ipsa libera, quia Deus vult res ad suos fines, quædam absolute, quædam sub conditione, ut quæstione 19. articulo 6. explicatum est: sit, ut quemadmodum in libera voluntate diuinæ distinguitur voluntas, absolute videlicet, & conditionata, antecedens & consequens, ut ibidem cum Damasceno docuimus: ita etiam in decreto mandandi executioni, quantum est ex parte Dei, ordinem mediorum ad fines à Deo præconceptum, per quod completur ratio diuinæ prouidentiae, distinguenda sit intentio finium per media diuinæ prouidentiae, in conditionatum, & absolute, antecedentem, seu primariam, aut quasi primariam, & consequentem, seu secundariam, aut quasi secundariam.

Ex his facile colligi possunt, quæ sequuntur. Primum est, voluntatem diuinam exequendi ex parte sua ordinem præconceptum mediorum ad finem, non comparatione cuiusque ordinis sua prouidentiae esse voluntatem absolutam finis, sed saepe esse conditionatum, conditione pendente ex libero arbitrio creato, si felicit vno, ut altero modo cooperari velit. Quod sit, ut comparatione talis finis, sit quidem in Deo prouidentia, quæ homines omnes & Angelos in vitam aeternam dirigit: quandoquo est in eo voluntas exequendi ordinem mediorum, quo, si vellent, ad eum finem peruenirent: ea tamen prouidentia, non voluntatem absolutam, sed conditionatum finis includit, ac proinde in multis ordo ille diuinæ prouidentiae frustrari potest, & frustratus est. Imo vero, cum omni adulto voluerit Deus beatitudinem dependenter à libero vnu proprij cuiusque arbitrij, atque adeo sub conditione, si & ipse velit, ut quæstione sequenti explicabimus, nemini voluit absolute eum finem, nisi posita pia uulnere talis vnu arbitrij, qualis ad salutem est necessarius, idque ex hypothesi, quod in tali vel tali ordine rerum veller cum collocare, ut quæstione 19. articulo

Prima qua si intentio diuina prouidentiae.

E permisione peccato rum que bona Dei eliciuntur.

MO
L
D

articulo 6. ex parte explicatum est, & quæstione se- A rā, aut nocitura sint cibis libero arbitrio prædictis,

quanti plenius dicemus.

*Permissio
peccatorum
quando in
diuinam prosi-
deruntur ca-
dat.*

Secundum est, si loquamur de intentione quasi primaria diuinæ prouidentiæ, atque de prædicto ordine, quo res arbitrio prædictas dirigit in beatitudinem, peccata, quæ arbitrio creato fiunt, non cadere sub diuinam prouidentiam tamquam media ad finem, quin potius eiusmodi creature peccando egredi ordinem illum, deficeréque à fine, ad quem diuina prouidentia dirigebantur. Verū quia in dirigendis eiusmodi creaturis in sempiternam felicitatem, ad eam quoque prouidentiam spectat, vt in manu consilij sui relinquantur (id enim, & naturæ rationali magis congruit, & honorificentius est) fit, ut etenim permisso peccatorum ad diuinam prouidentiam pertinere dicatur, quatenus ex eius quasi primaria intentione constitutum est, ut liberi suam felicitatem consequantur, & consequenter peccare permittantur. Quæ ratione Dionysius sub finem capituli 4. de diuinis nominibus merito redarguit quosdam, qui dicebant, oportere prouidentiam inuitos etiam nos ad virtutem impellere, dicens: *Pro-
videntia non esse naturam intermixere, sed uniuersum rei
prouidere, ut operetur sue naturæ accommodari.* Pertinet etiam ad diuinam prouidentiam, tum quasi secundaria intentione permissionem ipsam peccatorum dirigere, interdum in commodum ipsorummet peccatorum, interdum in aliorum utilitatem, tum ut peccatorum occasione abundantius thesauros suæ misericordia & liberalitatis diffundant, tum etiam ut illorum occasione diuina bonitas, misericordia, sapientia, potentia, atque iustitia clarius, & illustrius in operibus suis manifestentur, ut superius explicatum est.

*Circa pro-
videntiam cur
infelix pse-
udohui omni-
ceumur.*

Tertium est, cum ex una parte diuina prouidentia tam copiosè ac dilucide splendeat in toto hoc universo, arque in singulis quibusque minutissimis illius partibus: ex alia verò tot miseris genus humana sit oppressum, tot homines, tamque frequenter à recta ratione, finisque suo defecant, aliquique iniuriis afficiant: mirandum non est, si abolita fide, notitiamque prima rerum constitutionis, arque originalis peccati in tam magna orbis parte, præclaræ philosophorum ingenia circa Dei prouidentiam obsecrata fuerint, quidamque, contra patentissima in- dicia & argumenta illam aut omnino, aut magna ex parte negauerint: alij verò, de quorum numero est Aristoteles, eam quidem fuerint confessi, at non ea firmitate ac constantia, qua par erat. Quæ tamen de prima rerum constitutione, lapsu primorum parentum, peccato originis, quod torum genus humana infecit, ac penis, quæ inde subsecuta fuerunt, fides docet, supràque in explicanda quasi prima diuinæ prouidentiæ intentione adnotauimus, iuncto decursu Ecclesiæ ab orbe condito, remedii que contra peccatum, quo Deus variis temporibus exhibuit, ut Scriptura sacra veteris ac noui testamenti testantur, tenebras omnes circa diuinam prouidentiam depellunt, omniaque optimè contentire faciunt: id quod inter argumenta, quibus fides Catholica confirmari solet, merito numerari potest.

*Divina pro-
videntia cur
nisi fal-
latur.*

Postrémò duo sunt animaduertenda. Vnum est, ad perfectissimam prouidentiam necessarium esse, ut prouisor certò ante intelligat, quid ex mediis, quæ ex sua parte ad finem per prouidentiam suam adhibere statuit, sit aut non sit euenturum. Quare hoc, præter alia, inter diuinam prouidentiam & nostram interest, quod Deus semper præintelligit quid ex mediis, quæ prouidentia sua adhibere statuit, euenturum sit, ac proinde quæ media profutu-

Molina in D. Thom.

A rā, aut nocitura sint cibis libero arbitrio prædictis, propter unum, aut alterum vnum arbitrij futurum: cùm tamen per arbitrium ipsum stet, quod non omnia in suum commodum vertat. Ratione verò huius certissima prælectionis, quæ in Deo est, ipsa Dei prouidentia dicitur nunquam falli, quia sicut certissimum præuidet, quid ex suis mediis sit euenturum, ita id omnino eueniens. Cùm verò nos quām sepiissime ignoramus qualē exitum habitura sint media, quæ ad finem adhibemus, idque non solum quando per aliam rem, libero etiam arbitrio prædictam, finem aliquem alsequi volumus, sed etiā quando fines alios, non tamen, per alienum arbitrium, intendimus: inde est, quod sive prouidentia nostra fallatur, aliterque res, contrariumque eius eueniens, ac sperabamus. Atque hac ratione Sapient. 9. cogitationes mortalium dicuntur timida, & incerta prouidentia nostra.

B Alterum est, siue ordo diuinæ prouidentie ad primariam, siue secundariam intentionem spectat, semper effectus omnem, qui à libero arbitrio creato modo aliquo penderit, posse re ipsa eueniens, ac non eueniens, ac proinde ordinem causarum, aut mediorum, qui diuina prouidentia constitutus est, nullam omnino necessitatem libero arbitrio afferre. Quod intelligendum est, non solum de necessitate consequentiæ, sed etiam consequentia. Quæ ratione Damascenus 2. libro fidei Orthodoxæ cap. 29. vt quæst. 19. art. 6. disputatione 1. relatum est, merito dixit ea, quæ ab arbitrio creato pendent, non solum esse effectus diuinæ prouidentie, sed etiam ipsius arbitrij. Etenim aliud est loqui de ordine ipso causarum, ac mediorum diuina prouidentia constitutorum, aliud de præscientia, qua Deus præuidet, existente hoc ipso ordine rerum, causarum, ac mediorum, pro libertate arbitrij creati hos, vel illos effectus esse euenturos, cùm possent re ipsa non hi, sed contrarij eueniens, si arbitrium ipsum, vt potest, id veller. Si namque loquamur solum de ordine ipso causarum, ac mediorum diuina prouidentia constitutorum, sublata præscientia, quod futura sint, quæ nullo modo est causa rerum, vt quæst. 1. 4. artic. 8. & 13. latè ostensum est, utrique effectus neque necessitatem consequentiæ habent comparatione illius, nullumque omnino absurdum sequeretur, si illis ita existentibus, eueniens contrarium eius, quod re ipsa euenturum est. Si verò loquamur de præscientia, contrahentes quidem necessitatem consequentiæ comparatione illius: at id non tollit, quominus effectus re ipsa possit aliter eueniens: quandoquidem, vt art. 13. citato ostensum est, non quia Deus præciuit effectum ita euenturum, eueniens: sed quia ita est euenturus, cùm possit non eueniens, Deus ex altitudine ac perfectione sui intellectus præciuit effectum euenturum: si autem contrario modo, vt potest, effet euenturus, contrarium præciuisset, & non id quod re vera præciuit.

F Quando ergo D. Thomas, & Boëtius locis citatis, ac quidam alij affirmant, ordinem diuinæ prouidentiæ esse certum, immobilem, & indistolubilem quoad effectus assecuracionem, ordinemque illum appellant fatum/qua ratione Boëtius, & plerique alij assertunt, tantam certitudinem esse in fato, illo modo sumpto, quoad euentum effectus, quanta est in diuinæ prouidentia) differeréque fatum à diuinæ prouidentia, quod prouidentia sit ordo causarum ac mediorum, in finem mente, ac voluntate diuinæ prescriptus, ac constitutus, formaliterque in ea existens: fatum verò sit executio ordinis, qui mente ac voluntate diuinæ præscriptus, constitutus A 2 3 rūsque

*Provi-
den-
tia diuina
præciu-
sa, pse-
cutione
scientia nul-
lam affert li-
beri arbitrij
effectibus ne-
cessitatem.*

*Recliva &
D. Thom. ex-
plicantur*

tusque est. Quando, inquam, hæc ita affirmant, si diuina prouidentia, ea præcita ratione spectetur, qua ratio, seu conceptio est ordinis mediorum in finem cum proposito talem ordinem, quantum est ex parte Dei exequendi, in quo ratio diuina prouidentia est posita, secludaturque diuina præscientia, qua quid inde per liberum arbitrium creatum sit, aut non sit euenturum cognovit, quæ non tam ad prouidentiam, quam ad perfectionem prouidentiae spectat: plane non solum falso affirmant, sed etiam id altruunt, quod non dubitare errorem in fide appellare. Quare neque in prouidentia ita sumpta, neque in executione illius, hoc est, in ordine causarum & mediorum executioni mandatorum, quem ipsi fatum appellant, vila est certitudo comparatione effectuum, qui ab arbitrio creato pendet. Si vero simul cum prouidentia spectetur præscientia, qua Deus, tum ordinem ipsum certò nouit ita esse futurum, tum eo ordine dato, nouit certò quid per arbitrium creatum esse futurum, cum re ipsa esse posset oppositum, concedendum est, ordinem diuina prouidentia, prout ita à Deo ex altitudine, & perfectione sui intellectus prævius est certò futurus, certum, immobilem, ac indissolubilem esse quoad effectus affectionem: certitudine tamen, quæ solum oritur ex necessitate consequentia, modo paulo ante explicato, atque immobilitate, & indissolubilitate, quæ in necessitate solum consequentia sit posita. Atque ad hunc sensum accipiendi sunt Diuus Thomas, & Boëtius locis citatis.

Arbitror tamen non esse ita loquendum. Primo quoniam multi sunt ordines diuina prouidentia comparatione finium, quos Deus dependenter ab arbitrio creato intendebat, voluntatèque conditionata, ac antecedente volebat: qui tamen ordines, fines illos, ad quos ex diuina prouidentia dirigebantur, culpa liberi arbitrii creati, non assequuntur. Quare non omnis ordo diuina prouidentia est certus, immobilis, & indissolubilis quoad effectus affectionem. Secundò, quoniam etiam illi ordines diuina prouidentia, qui fines ab arbitrio creato pendentes assequuntur, secundum se spectati, non sunt certi, immobiles, & indissolubiles: quin potius suapte natura, ac simpliciter, contrarium eis conuenit: cum ergo necessitas consequentia, ex certitudine diuina præscientiae, quod fines assequuntur, naturas eorum non tollat, aut mutet: sit, ut simpliciter non sunt appellandi, certi, immobiles, ac indissolubiles, sed solum secundum quid, prout scilicet à diuina scientia, supra id, quod nature rerum ex se habent, ob altitudinem ac perfectionem diuini intellectus, præcogniti sunt ita futuri, præcognitumque etiam est ex eis, concurrente simul arbitrio creato, eiusmodi effectus esse euenturos, cum re ipsa contrarij enire possent, si arbitrium ipsum, ut potest, veller. Non etiam placet ordinem illum causarum & mediorum diuina prouidentia comparatione talium effectuum fatum, certum, immutabile, ac indissolubile appellare. Tum quod nomen ipsum facit Sanctis suspectum iniurumque sit, propter errorum multorum, qui arbitrabantur, esse ordinem quemdam causarum ex se indissolubilem, & necessarium comparatione effectuum. Tum etiam, quod ordo ille suapte natura incertus, mutabilis, ac dissolubilis sit, solumq; ex diuina præscientia necessitatem quādam cōsequentię contrahat.

Dixi paulo superius, præscientiam, qua Deus certò nouit quid euenturum, aut non euenturum sit per arbitrium creatum ex quocumque ordine

causalium & mediorum diuinæ prouidentiae, comparatione effectuum, qui ab arbitrio creato pendent, non tam ad prouidentiam, quam ad perfectionem prouidentiae spectare; quoniam si per impossibile in Deo esset solum scientia, qua recte nosfer adaptare, & ordinare media, quibus arbitrium creatum ad fines, & effectus sibi proprios dirigere, sine præscientia, quæ certò cognoscere quam partem arbitrium esset electum, sanè præconceptio ordinis mediorum ad talem finem, cum proposito, quantum est ex parte Dei, euidenter exequendi, haberet rationem prouidentiae diuina comparatione talium finium: non tanen esset præscientia in Deo effectuum, qui per arbitrium creatum essent futuri, ac proinde neque vila esset certitudo in prouidentia diuina comparatione talium effectuum, neque vila immutabilitas, ac indissolubilitas in causis, & mediis comparatione corundem. Quare præscientia illa diuina, ex qua ciuis nodi necessitas consequentia, immutabilitas, atque indissolubilitas mediorum diuina prouidentiae emanat, solum pertinet ad perfectionem diuina prouidentiae.

Ad primū ergo in oppositum, concessis omnibus, quæ in eo assumuntur, negandum est inde sequi, prouidentiam diuinam, quæ diuina prouidentia est, temper esse de mediis ac fine assequendis: non enim necesse est, ut quod ad rationem partis subiecta spectat, ad rationem quoque totius uniuersitatis pertineat: de ratione namque hominis est, quod sit ratione prædictus: quod tamen de ratione animalis non est. Prædestinatio autem non solum prouidentiam diuinam includit, sed prouidentiam diuinam circa beatitudinem: neque hanc solam dicit, quippe cùm & nō prædestinatis eadem prouidentia prouideat, sed dicit prouidentiam diuinam circa beatitudinem comparatione corum solū, qui eam consequuntur sunt: ratio vero eius, quod præter rationem prouidentiae circa beatitudinem addit, includit assecurationem finis.

Ad secundum dicendum est, prouidentiam diuinam, præter rationem mediorum in finem, includere quidem propositum voluntatis mandandi ordinem mediorum executioni, quantum est ex parte Dei: propositumque ciuiusmodi esse voluntatem absolutam exequendi certa aliqua media: at non esse propositum assequendi efficaciter finem, sed dependenter a conditionib; sub quibus est voluntas & intentus: quare licet diuina prouidentia includat propositum efficaciter assequendi aliquam medium.

Ad tertium dicendum est, Ecclesiam in eo sensu afferere, Deum quod suam prouidentiam non falli, quod certò præuidet, quoniam eam rerum, de quibus habet prouidentiam prædisse, aut obesse debent, vnde continuo subiungit: te supplices exoramus, ut noxia cuncta submoveas, & omnia nobis profutura concedas: itemque quod certò præuidet, ex quibus sequetur, aut non sequetur effectus, sub conditione, voluntatèque antecedente prouisus, ac intentus, in quo diuina prouidentia nostram superat: non vero quasi semper ponit debeat assecuto finis, qui diuina prouidentia intendit.

A.R.T.

Prouiden-
tia non in-
cludit præ-
scientiam
euentuum.

*Ad primū
argumentum
pro Caiet.
opinione.*

*Prædesti-
natio est pan-
sabiliat̄ prouiden-
tia, &
quid supra
eam addit.*

*Ad secun-
dum.*

Ad terciū.

*Ad terciū
marianum.*